



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,
CARDINALITIIS DISPUTATIONIBUS,

*manè discutienda, in Scholis Medicorum, die Martis vigesima-sexta
mensis Martii, anno Domini M. DCC. LXV.*

M. ALEXANDRO-DIONYSIO DIENERT, Doctore
Medico, Præfide, Theſeos Auctore:

An Parisiis à lacte valetudinum malarum Ilias?



QUA epota, aut alii liquores, ventriculis animalium inquilini, postquam plantarum succos diluerunt & carniū gelatinam, in chymum convertuntur; is brevi tempore novis corpusculis dives chyli nomen accipit, qui paulò post in mammis secretus, lac appellatur. Organa lactea multis concessit animalibus omnipotens Naturæ Artifex. Intelligere in promptu est cur aves, insecta & pisces ferè omnes (*) tam pre-

(*) Balena femina duas habet mammas quas Alumnis præbet suis. *Lem. Tr. univ. des Drog.*

tioso munere careant. Quantum homini suum & animalis lac profit ubi optimum est, probari mihi videtur optimâ valetudine primorum Adami nepotum, Hebræorum Patriarcharum, priscorum Romanorum Principum & cæterorum qui inter aratra & armenta vitam agrestem debebant; quippe qui & præsertim ipsorum alumni lacte multo & excellentissimo utebantur. Utinam in urbe quæ supra alias caput extulit, ubi tot homines sunt qui hoc potu alimentario & medicinali indigent, lactis non degeneris abundantia esset!

I I.

AQUA, lac & vinum potus sunt longè omnium utilissimi. Illa variis nominibus mutuò sese antecedunt & ex ipsis quod nocet uni prodest alteri. Si is consideretur hominum ordo, quorum classis una infantes, alia senes, & media mediæ ætatis homines comprehendat, lac infantibus, senibus vinum, & cæteris aqua convenire ut plurimum videbitur. Primi enim potu qui nutriat, corroborante senes, humectante alii imprimis indigent. Dum admiramur robustum adulatorum corpus & viscerum vigorem, quo alimenta & potus quoscumque in bonam valetudinem convertunt, animadvertere debemus debilius sortem quibus omnia nec placere nec salubria esse possunt. Infantum viscera nativum sovent ignem qui in dies propriis augetur viribus, ita ut illi temperamento potius indigeant quàm irritamento. Senibus è contra. caloris accessio quotidie nova fiat necesse est. Idcirco lac aliis, aliis vinum à naturâ concessum. Quanti ergò momenti est educatio præclaræ infantum multitudinis in quâ nititur Regni virium spes dulcissima, tanti refert lactis optimi copiam illis præbere & istud avertere quod malum est.

I I I.

LACTIS quo utuntur Parisiis non una est conditio. Hæc distinguamus 1°. lac vaccarum quæ velut in carceribus stabulantur numquam exituræ, nisi semel ut laniis jugulum dent, cum ob pinguedinem nimiam lactis secretioni minus idoneæ factæ sunt. Atqui latissima est hæc classis: comprehendit enim omnes quæ in urbe & suburbis & permultas quæ in vicis vicinioribus aluntur. 2°. Lac vaccarum in vicis à Lutetiâ tantulum distantibus degentium, quæ per vias virentes, per agros & colles à Bulbæis quotidie circumducuntur. Hæ non adeò pingues ac priores apparent, sed mammis uberioribus præditæ nitent ob aeris integritatem & pascuos agros quibus gregatim fruuntur. Earum autem lac sæpissimè pri-dianum est die ipso quo hic venditur, ita ut ni jam acidum tantisper sit,

ad acidam fermentationem propius accedat. Istud cremorem peperit suum, quem sublatum *Lactaria* seorsim vendunt. 3°. Lac deterius adhuc ab avaritiâ efficitur. En hoc illud est artificium quod secretò adhibent. Mercatrices minùs irreligiôsæ lacti hodierno solùm addunt pridianum, cujus cremorem ferè omniem seceverunt, ut modò diximus; & hujus lacteæ mediocritatis aliquanta bonitas ab aliis ultra modum imminuitur, dum aquam lacti jam macriori admiscent. Cùm autem præviderint fore ut aquæ nimie cum lacte conjunctio fraudulenta detegeretur, quoties ob ponderis diversitatem lac super aquam præsertim inter ebulliendum enataret, ad artem dolosam confugiunt. Aliæ aliquot ovorum vitellos aquâ multâ diluunt & illicò in lac fundunt agitando. Aliæ multò plures permodicam capiunt farinam, cujus ope aquæ copiosæ lentorem necessarium conciliant & vinculum quo lac aquæ copulatum sursum, deorsum & ubique in vasis stet. Quid de tali adulteratione sentiendum?

I V.

INGENTISSIMUS est numerus pauperum mulierum quæ alumnis vaccino lacte nutriendis circumdantur. Pecuniâ quam improbo labore modicam quotidie merent, lac emere coguntur. Sors earum sanè lugenda, quæ pecuniam carissimam pravo lacte permutant, non sine teneræ prolis incommodo. Puls quam ex isto conficiunt, infântulos malè nutrit. Horum vultus pallet: vires languent & multorum constitutio cachochymica manet. In hâc urbe vestigiis ferè singulis occurrunt lymphatici morbi, qui frigidi humores vulgò nuncupantur, dolores rheumatici & arthritici, pulmonie, sanguinis lentores scorbutici & aliorum affectuum chronicorum Ilias. Cùm autem nihil sit lacte familiarius ad præcavenda & destruenda istorum morborum germina, non dubitandum est quin lac debilitatum aut immutatum affectus illos augeat nedùm depellat, dum habet pro ferosâ parte aquam, pro caseosâ farinosum gluten, pro butyro vitellos ovorum, pro re balsamicâ vapidam, denique pro sale dulci acorem imminemtem. Huc accedit, quod serum lactis clarificatum, quotidie in acutis morbis & in plerisque chronicis à Medicis præscriptum ipsorum & ægrorum voto non satisfaciât, cùm aquam multam contineat.

V.

UT lac quod venderetur meliore polleret conditione, pluris id constare deberet. Hoc commercium mulieres obtinent quæ illo vix se sustentant. Lac merum solito pretio vendi sine jacturâ non posse inquirenti

patebit. Sapientissimis quibusdam merum, sed pluris vendere, pro religione placet, dum cæteræ non nisi medicatum circumferunt. Exemplum priorum posteriores sequi deberent. Hic ergo oportere mihi videtur ut boni publici utilitas juvantibus viris à Rege præpositis difficultates omnes superet. Medici est qui ad omnium salutem comparandum toto animo incumbit, monere populos ut vitent potus & alimenta nociva, necnon indicare quid fumere securi ac tuti possint. Ne objicias à me hîc rem minimam inutiliter amplificari. Etenim illa quæ ad sanitatem urbis & orbis pertinent, licet in se minima, maximi momenti erga populum sæpè sunt, eò quod inter effectus tùm aeris tùm alimentorum, ponderis levissimi accessione, æquilibrium valetudinis sæpè corrui. Quapropter sus deque non habenda est nostra propositio quâ juvat concludere adversus illos qui jactitabunt lac Parisiense cujus formosa species, etsi candeat, comitem facultatem quâ satis vigeat infantum & infirmorum cerebrum, non habet.

Ergò Parisiis à lacte valetudinum malarum Ilias?

Proponerebat Parisiis ANDREAS-BLASIUS PELÉE DE VALONCOUR, Senonicus, Regiæ Societatis Agrariæ Parisiensis, quoad Agrum Senonensem Socius, Saluberrimæ Facultatis Medicinæ Parisiensis Baccalaureus. A. R. S. H. 1765. A SEXTA AD MERIDIEM.

Typis F. A. QUILLAU, Universit. & Facult. Med. Typographi, 1765.